

სახელმწიფო შესყიდვების შესახებ ხელშეკრულების პროექტი

ქ. თბილისი

_____ 2023 წელი

ხელშეკრულება ძალაში შედის 2024 წლის 01 იანვრიდან და მოქმედებს 2025 წლის 31 იანვრის ჩათვლით.

წინამდებარე ხელშეკრულება გაფორმებულია NAT _____ აუქციონის გარეშე ელექტრონული ტენდერის საფუძველზე.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, NAT----- ელექტრონულ ტენდერზე დართული ყველა პირობითა და მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი ორგანიზაცია“ (შემდგომ „მიმწოდებელი“) ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები:

შემსყიდველი: შსს საპატრულო პოლიციის დეპარტამენტი ს/კ 205041177, საფინანსო-სამეურნეო უზრუნველყოფის სამმართველოს უფროსი შალვა ბულაშვილი.

მისამართი: თბილისი, ნოე რამიშვილის ქ. №38. ტელ: 241 87 13

საბანკო რეკვიზიტები: ა/ა №GE24NB0330100200165022 „საქართველოს სახ. ხაზინა“, კოდი TRESGE22.

მიმწოდებელი: „-----“; ს/კ -----; ხელმძღვანელი: -----;

მისამართი: -----, ტელ: -----, ელ. ფოსტა: -----;

საბანკო რეკვიზიტები: სს „-----“, კოდი: -----, ა/ა -----.

3. ხელშეკრულების საგანი

3.1. სხვადასხვა სახის კონდიციონერების ტექნიკური მომსახურება (CPV - 50730000).

4. ხელშეკრულების ღირებულება

- 4.1. გასაწევი მომსახურების საერთო ღირებულება შეადგენს 35 000.00 (ოცდათხუთმეტი ათასი ლარი და 00 თეთრი) **ლარს**, ფაქტობრივად გაწეული მომსახურებისა და მოხმარებული დეტალების ღირებულების, ასევე საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. გასაწევი მომსახურებების (რიგ პოზიციებზე დეტალების გათვალისწინებით) ერთეულის ღირებულებები პოზიციების მიხედვით მითითებულია **დანართი №1-ში**.
- 4.3. გასაწევი მომსახურების ღირებულება აღებულია შესაძლო გასაწევი მომსახურების მიხედვით, ხოლო ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

5. მხარეთა უფლება-მოვალეობანი

- 5.1. მიმწოდებელი იღებს ვალდებულებას ამ ხელშეკრულების პირობების შესაბამისად **ხელშეკრულების ძალაში შესვლის დღიდან (არაუადრეს 2024 წლის 01 იანვარი) - 2024 წლის 10 დეკემბრის ჩათვლით უზრუნველყოს დანართი №1-ში მითითებული სხვადასხვა სახის კონდიციონერების ტექნიკური მომსახურება დანართი №2-ში მითითებული ადგილმდებარეობების, დასახელებებისა და რაოდენობების შესაბამისად.**
- 5.2. მიმწოდებელი ვალდებულია მომსახურების გაწევის პერიოდში გამოყოს ყველა საჭირო ხელსაწყოთი აღჭურვილი მაღალკვალიფიციური ტექნიკური პერსონალი, რომელმაც საჭიროების შემთხვევაში **დანართი №1-ის** შესაბამისად უნდა უზრუნველყოს სხვადასხვა სახის კონდიციონერების ტექნიკური მომსახურების გაწევა.
- 5.3. მიმწოდებელი ვალდებულია შემსყიდველის მხრიდან შეტყობინების მიღებიდან არაუგვიანეს 1 (ერთი) კალენდარული დღის განმავლობაში შემსყიდველი ორგანიზაციის მიერ გამოყოფილი უფლებამოსილი პირის მეთვალყურეობით/თანდასწრებით დაზიანებულ კონდიციონერზე შეადგინოს დეფექტური აქტი, დეფექტურ აქტში მიუთითოს დაზიანებული საქონლის კონკრეტული დასახელება, ადგილმდებარეობა, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი (არსებობის შემთხვევაში დეტალების გათვალისწინებით) და **დანართი №1-ით** გათვალისწინებული ვადისა და ღირებულებების შესაბამისად განახორციელოს აღნიშნული მომსახურება სრული მოცულობით, ხარისხისა და სტანდარტების დაცვით.
- 5.4. მიმწოდებელი ვალდებულია მომსახურების გაწევის დროს მიმწოდებლის ბრალეულობით, შემსყიდველის ქონებაზე მიყენებული ნებისმიერი ზიანი აღმოფხვრას საკუთარი სახსრებით.
- 5.5. შეცვლილი სათადარიგო ნაწილები მიმწოდებელმა უნდა დაუტოვოს შემსყიდველს.
- 5.6. შესაძლო მოსახმარი სათადარიგო ნაწილები უნდა იყოს ახალი (არამეორადი), ხოლო მეორადი ნაწილების გამოყენება დასაშვებია მხოლოდ შემსყიდველის თანხმობის შემთხვევაში და მათი ფასი დადგინდება შემსყიდველისა და მიმწოდებლის შეთანხმებით, საბაზრო ფასის გათვალისწინებით.

- 5.7. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.
- 5.8. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.
- 5.9. საჭიროების შემთხვევაში, მიმწოდებელს უნდა შეეძლოს ერთდროულად არანაკლებ 2 (ორ) გეოგრაფიულად დაშორებულ ობიექტზე სხვადასხვა სახის კონდიციონერების შეკეთება და ტექნიკური მომსახურების გაწევა.
- 5.10. მიმწოდებელმა მომსახურება უნდა გაწიოს საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.
- 5.11. მიმწოდებელმა გაუმართაობის მიზეზის დადგენა, დეტალების შეცვლა და სისტემის ჩართვა/ექსპლუატაციაში გაშვება უნდა მოახდინოს აგრეგატის ობიექტიდან გატანის გარეშე, აუცილებლობის შემთხვევაში, აგრეგატის გატანა უნდა მოხდეს ხელშეკრულების კოორდინატორთან შეთანხმებით.

6. მომსახურების მიღება-ჩაბარების წესი

- 6.1. გაწეულ მომსახურებაზე ყოველ კონკრეტულ შემთხვევაში მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა (საჭიროების შემთხვევაში სათადარიგო ნაწილ(ებ)ის გათვალისწინებით), შესრულებული მომსახურების რაოდენობა, ფასი და საერთო ღირებულება (მომსახურების ფასები გათვალისწინებული უნდა იყოს პრეისკურანტში (დანართი №1) მოცემული ფასების შესაბამისად).
- 6.2. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, დეფექტური აქტის შედგენაზე, ასევე შესყიდვის ობიექტის ხარისხზე შემსყიდველის მხრიდან კონტროლს განახორციელებს შსს საპატრულო პოლიციის დეპარტამენტის საფინანსო-სამეურნეო უზრუნველყოფის სამმართველოს **შენობათა და მატერიალურ ფასეულობათა ექსპლუატაციის განყოფილება**, ხოლო მიმწოდებელი ვალდებულია ხელი შეუწყოს მას ინსპექტირების ჩატარების დროს.

7. გასაწევი მომსახურების ხარისხი და გარანტია

- 7.1. გაწეული მომსახურების, ასევე შეკეთებული ან გამოცვლილი დეტალების საგარანტიო ვადა განსაზღვრულია **დანართი №1**-ის შესაბამისად. საგარანტიო ვადის ათვლა დაიწყება მიღება-ჩაბარების აქტის გაფორმების დღიდან.
- 7.2. მიმწოდებელი იძლევა გარანტიას, რომ მის მიერ მომსახურება გაწეულ იქნება ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობების, **№1, №2** დანართებითა და ამ ხელშეკრულებით გათვალისწინებული პირობების შესაბამისად. ამასთან, იძლევა გარანტიას, რომ მომსახურება გაწეულ იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს საგარანტიო პერიოდში გამოვლენილი ნებისმიერი დეფექტის აღმოფხვრა, დაზიანებული ნაწილის **შეკეთება ან შეცვლა ახლით**. ასევე აღნიშნული მომსახურების გაწევის პროცესში და საგარანტიო პერიოდში არახარისხოვნად გაწეული მომსახურების შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან **5 (ხუთი) სამუშაო დღის განმავლობაში** (შეტყობინება შესაძლებელია განხორციელდეს როგორც წერილობით, ისე ელექტრონული ფოსტის საშუალებით ერთიან ელექტრონულ სისტემაში მიმწოდებლის პროფილში მითითებულ ელექტრონულ ფოსტაზე, ან

მიმწოდებლის მიერვე შემსყიდველისთვის მითითებულ სხვა ელექტრონულ ფოსტაზე. შეტყობინება ასევე, შესაძლებელია განხორციელდეს მხარეთა მიერ შეთანხმებული სხვა ნებისმიერი ფორმით).

- 7.3. მიმწოდებელი ვალდებულია უზრუნველყოს ამ ხელშეკრულებით განსაზღვრული მომსახურების უსაფრთხოდ გაწევა და საქართველოს მოქმედი კანონმდებლობის შესაბამისად დაიცვას ის ძირითადი მოთხოვნები და პრევენციული ღონისძიებების ზოგადი პრინციპები, რომლებიც უკავშირდება სამუშაო ადგილზე შრომის უსაფრთხოების საკითხებს, არსებულ და მოსალოდნელ საფრთხეებს, უბედური შემთხვევებისა და პროფესიული დაავადებების თავიდან აცილებას, დასაქმებულთა შრომის უსაფრთხოებასა და ჯანმრთელობის დაცვას. იგი პასუხისმგებელია ამ პუნქტით გათვალისწინებული პირობების დაუცველობით გამოწვეულ შედეგებზე.
- 7.4. ამ ხელშეკრულებით გათვალისწინებული მომსახურების გაწევის პერიოდში, აგრეთვე საგარანტიო პერიოდში მიმწოდებლის მიერ შემსყიდველზე ან/და მესამე პირზე მიყენებული ზიანის რისკი მთლიანად ეკისრება მიმწოდებელს.

8. ანგარიშსწორება

- 8.1. ანგარიშსწორება მიმწოდებელთან განხორციელდება ლარში.
- 8.2. ანგარიშსწორება განხორციელდება ეტაპობრივად ან მთლიანად, შესაბამისი მიღება-ჩაბარების აქტ(ებ)ის და საქართველოს კანონმდებლობით გათვალისწინებული შესაბამისი დოკუმენტაციის წარმოდგენიდან **10 (ათი) სამუშაო დღის** განმავლობაში.
- 8.3. ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.
- 8.4. 8.2 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია **6.2 პუნქტში მითითებული განყოფილება**.
- 8.5. ანაზღაურება მიმწოდებელთან განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის, ხელშეკრულების საერთო ღირებულებიდან გამოუმუშავებელი თანხა რჩება შემსყიდველთან და იგი არ წარმოშობს რაიმე დამატებით ვალდებულებებს მხარეებს შორის.

9. ფასები

- 9.1. წინამდებარე ხელშეკრულების მე-4 მუხლში დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრს.
- 9.2. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 9.3. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს.
- 9.4. პრეისკურანტში მომსახურების ერთეულის არარსებობით გამოწვეული (დასამატებელი) შესყიდვის ხვედრითი წილი არ უნდა აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების **10%-ს**.

10. ხელშეკრულებაში ცვლილების შეტანა

- 10.1. ხელშეკრულების დამდებ არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.3. მხარეებს უფლება აქვთ სახელშეკრულებო ღირებულების შეუცვლელად, შეთანხმების საფუძველზე (შესაბამისი დოკუმენტის გაფორმების გზით) ხელშეკრულებაში შეიტანონ ცვლილება და დაამატონ ისეთი მომსახურება, რომელიც მანამდე არ იყო გათვალისწინებული პრეისკურანტით. მომსახურების ფასი დადგინდება შემსყიდველთან წინასწარი შეთანხმებით მიმდინარე საბაზრო ღირებულების შესაბამისად.

11. უფლებების გადაცემა

- 11.1. მიმწოდებელს არ აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

12. ფორს-მაჟორი

- 12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში - ხელშეკრულების შესრულების უზრუნველყოფის გარანტიის დაუბრუნებლობას.
- 12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 12.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

13. მხარეთა პასუხისმგებლობა ხელშეკრულების პირობების დარღვევისთვის

- 13.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.
- 13.2. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.
- 13.3. ხელშეკრულებით ნაკისრი ვალდებულებების შესრულების ვადების, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის ყოველ კონკრეტულ ფაქტზე მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,25%-ის ოდენობით.
- 13.4. დეფექტური აქტის დაგვიანებით მომზადების შემთხვევაში მიმწოდებელს დაერიცხება პირგასამტეხლო ყოველ ჯერზე 200 ლარის ოდენობით.
- 13.5. მიმწოდებლის მიზეზით ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით (იმ შემთხვევაში, თუ მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, ხელშეკრულების შეწყვეტის შემთხვევაში მიმწოდებელი დაჯარიმდება ხელშეკრულების ღირებულების 10%-ის ოდენობით).
- 13.6. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და ხელშეკრულების მე-2 პუნქტში მითითებულ ელექტონულ ფოსტაზე შეტყობინების გადაგზავნიდან არაუგვიანეს 1 (ერთი) თვის ვადაში. აღნიშნულ ვადაში ჯარიმის გადაუხდელობის შემთხვევაში შემსყიდველი უფლებამოსილია მიმართოს კანონით გათვალისწინებულ ღონისძიებებს.

14. სხვა პირობები

- 14.1. მხარეთა შორის სადავო საკითხები წყდება მხარეთა მოლაპარაკებების გზით. 30 დღის განმავლობაში შეთანხმების მიუღწევლობის შემთხვევაში სადავო საკითხს განიხილავს სასამართლო.
- 14.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 14.3. შემსყიდველი უფლებამოსილია ცალმხრივად შეწყვიტოს აღნიშნული ხელშეკრულება თუ:
 - ა) გარდა მომსახურების გაწევის ვადების ან/და ხარვეზის აღმოფხვრის ან/და ნაკლის გამოსწორებისათვის განსაზღვრული ვადების დარღვევისა, მიმწოდებლის მხრიდან დაფიქსირდება ხელშეკრულების სხვა ნებისმიერი პირობის დარღვევის 5 ან მეტი ფაქტი;
 - ბ) მიმწოდებლის მიერ 13.3 პუნქტით განსაზღვრული პირობების დარღვევისთვის დაკისრებული პირგასამტეხლოების ჯამური ოდენობა მიაღწევს 5%-ს;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო

ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

- 14.4. თუ რომელიმე მხარე ვერ უზრუნველყოფს ხელშეკრულებით ნაკისრი ვალდებულებების შესრულებას, ან არაჯეროვნად ასრულებს მათ, მეორე მხარე უფლებამოსილია მოშალოს ეს ხელშეკრულება ცალმხრივად, რაზედაც მხარემ უნდა შეატყობინოს მეორე მხარეს **10 დღით ადრე**.
- 14.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 14.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 14.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.
- 14.8. შემსყიდველი უფლებამოსილია შეწყვიტოს მიმდინარე ხელშეკრულება, თუ მიმწოდებელზე გაგზავნილ იქნა ორი ან მეტი გამაფრთხილებელი წერილი, სადაც დაფიქსირებული იქნება მათ მიერ სამუშაოს არაჯეროვნად ან ვადაგადაცილებით შესრულების შემთხვევები.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად.

შემსყიდველის მხრიდან:

მიმწოდებლის მხრიდან:
